

ZAMAPHILO

Umtholampilo omutsha esabelweni se-Ga-Thaba



Umtholampilo we-Soetfontein wakade (ngesinceleni) uzakujanyiselelwa mtholapilo omutjha oneensetjenziswa zesimanjemanje (ngesidleni).

Albert Pule

Umtholapilo omutjha utjhugulule amaphilo ngokuveleleko esabelweni se-Ga-Thaba, eLimpopo.

Umtholapilo we-Soetfontein, owavulwa ngonyaka we-1971, gade uneenkumba zokuhlaluba ezimbili kwaphela, ikumba yokubethela neyodwa egade ilibungelo leenhlahla nendawo yokubeka ipahla.

Nasirhabela enyakeni we-2015 umphakathi we-Ga-Thaba ukghone ukufikelela umtholapilo ozakusiza imizi engaphezu kwama-800 ngesabelweni.

Umtholapilo omutjha lo ungezelela amaziko wezamaphilo ngesifundeni. Izakhamuzi zesifunda lesi zifikelela imitholapilo ema-444, amaziko wezamaphilo ama-26, iimbhedlela zesityingi ezima-30, iimbhedlela zesifunda ezihlanu, iimbhedlela ezikhethekileko ezintathu neembhedlela zamaziko wokubandula ezimbili.

Umtholapilo we-Soetfontein uneenkumba zokuhlaluba ezine, ikumba yokutjheja bobujamo oburhabako, ikumba

yokululeka ngokomkhumbulo namaziso (yabahlukumezekileko nebeNgogwana yeNtumbantonga (i-HIV) neNtumbantonga (i-Aids)), iwadi yabasidisi eneengaba ezintathu (isigaba sokuthoma, ikumba yokubethela neyabasele babelethile), ikumba yamalageni neyokuhlalubela.

Unabahlengikazi ababanduliweko abalikhomba, ababili abasathwasako namunye osizako.

Umtholapilo lo wakhiwa mNyango wezamaPhilo weLimpopo begodu uzakusiza khulu ekuletheni zamaphilo ebantwini be-Ga-Thaba.

Ngaphambilini umNyango wabekela ngeqadi iingidi ezili-R11 kodwana wasebenzisa iingidi ezili-R15.2 ekwakheni umtholapilo we-Soetfontein.

Selokhu umtholapilo we-Soetfontein wavulwa ngosiHlabantakana sekubethwe abantwana abali-18.

“Kuyangithabisa ukukhambakamba ngaphakathi komakhiwo omutjha lo begodu kuzasisiza njengabanikeli bezamaphilo ukusiza umphakathi ngefanelo,” kwatjho

umHlengikazi oBanduliweko u-Anna Motimele emnyanyeni wokuvulwa komtholapilo.

Umtholapilo wavulwa ngokomthetho nguSomkhandlu wezamaPhilo (u-MEC) eLimpopo uDorh. Phophi Ramathuba owathi uyathemba kobana umtholapilo lo uzakuletha amatjhuguluko amahle emaphilweni womphakathi.

“Ngithemba kobana umtholapilo lo uzakuba kuthoma kwezinto ezihle ezizokwenzeka esabelweni. Ngikho lokhu esikubiza ngokulethwa kwezenzelo.

“Asifuni ubujamo lapho umuntu nakaya emtholapilo anomgomi anikelwe i-Panado, ingasuthi i-Panado inguzifozoke,” kwatjho u-MEC uPhophi. Umnyango wezamaphilo eLimpopo unikela begodu ulawula iinsetjenziswa zamaphilo ezinabileko. Amaziko wezamaphilo ngesifundeni lesi aqinisekisa kobana imiphakathi ifikelela ukutjhejwa ngezamaphilo.

Ukuvulwa komtholapilo lo kuzakusiza u-Johana Malahlela oneminyaka ema-44 ngokonga imali nakaphekelela indodanake

ukuyokuhlolwa.

“Ngaphambilini bengisebenzisa imali enengi ukuphekelela indodanami ukuyokuhlolwa. Gade ngiya eMankweng nanyana ngesinye isikhathi ngisebenzisa imali engama-R300 ukuyokufika lapho.

“Gadesi ngikghona ukukhamba ngeenyawo ukusuka emzinami ukuya emtholapilo begodu indodanami izakufumana itjhejo,” kwatjho umma wabantwana ababili.

UKgabo Manamela oneminyaka ema-55 yena nomndenakhe gade basebenzisa umtholapilo wangaphambilini iminyaka

AMAZIKO WEZAMAPHILO ELIMPOPO

- Imitholapilo ema-444
- Amaziko wezamaphilo ama-26
- Iimbhedlela zesityingi zima-30
- Iimbhedlela zesifunda zihlanu
- Iimbhedlela ezikhethekileko zintathu
- Iimbhedlela zamaziko wokubandula zimbili

eminengi uvumelana noMalahlela. Wathi, uthabele isisetjenziswa esitjha lesi.

“Umtholapilo omutjha lo uzasisiza khulu, khulukhulu abantu abadala ababhalwa kukhamba amabanga amade ukuya ePolokwane.”

Umrholi wendabuko wendaweni IKosi uMaisha Molepo wesi-III ukhuthaze umphakathi kobana ungatjhi umtholapilo nawunemiraro norhulumente.

“Umtholapilo lo awusingewabantwaba,” watjho akhomba u-MEC nabaphekeleli bakhe.

“Ungewethu, njengabantu be-Ga-Thaba, begodu angifuni ukubizwa kusasa ngitjelwe kobana niwutjhisile ngombana ningakathabi ngezenzelo zikarhulumente.

“Nanenza njalo, ngizakubiza amapholisa kuthi abantu abathjisileko bavalelwe isikhathi eside,” watjho njalo hlangana newahlo.

IManxili ifumana umtholapilo wesimanjemanje



UMengameli u-Jacob Zuma, ubonwa lapha noMkhamanzi wakhe uTobeka Madiba-Zuma emnyanyeni wokuvulwa komtholapilo weManxili eNquthu, KwaZulu-Natal. Umtholapilo lo ulethe iinsiza zezamaphilo ezingcono emphakathini weManxili.

Thandeka Ngobese

Umtholapilo omutjha wesimanjemanje weManxili eNquthu, KwaZulu-Natal owakhiwe weengidi ezima-R20 uzakuletha ukukhululeka okukhulu emphakathini ozii-13 000.

Ngaphambilini amalunga womphakathi gade ajamela umakhambangendlwana ogade ufika kanye ngenyanga nanyana bakhambe ngeenyawo amakhilomitha ali-10 ukuya emtholapilo weMangeni kobana bafumane iinsiza zamaphilo. Umakhambangendlwana lo gade asuka esiBhedlela esikhulu i-Charles Johnson Memorial esimakhilomitha ama-62.

Ilunga lomphakathi uMaqili

Buthelezi wathi nakasilelwe lilanga likamakhambangendlwana bekufanele asebenzise imali ema-R54 ukulanda iinhlahla zakhe esiBhedlela se-Charles Johnson Memorial.

Wathi, “Umtholapilo lo esiwunikelwe ngurhulumente wethu uzosisiza khulu begodu sithabe kwamambala ngawo.”

Izakhamuzi zaKwaZulu-Natal zikghona ukufikelela iinsetjenziswa zamaphilo eembhedlela zesifunda ezima-72, amakhiliji wokubandula abahlengikazi ama-25 namaziko wezamaphilo womphakathi ali-18.

Umtholapilo weManxili ovulwe mhlapha ngokomthetho nguMengameli u-Jacob Zuma, ukhambisana nehlelo likarhulumente

le-Operation Phakisa ngokulandela umhlobo “womtholapilo wamambala”, okufuze ukhambisane nokunikela ngezenzelo eziphakemeko ukuya ngokwamazinga wenarha wezamaphilo.

Umnyanya wokuvula wakhanjelwa liSekela likaNgqongqotjhe wezamaPhilo uDorh. u-Joe Phaahla, u-MEC wezamaPhilo we-KZN uDorh. Sibongiseni Dhlomo, amalunga weKomiti ye-KZN yezamaPhilo, nabajameli beHleloHlanganyela leHlangano yeenTjhaba eziBumbeneko ye-HIV ne-AIDS (i-UNAIDS), aboMeyara, amaKhansela namaKhosi.

Umtholapilo uzakuqinisa imizamo karhulumente yokulwa nomthwalo wamalwele okufaka hlangana ukurhatjheka kwe-HIV ne-AIDS, ukusulelana ngebulwelwe besifuba (i-TB) nokuhlongakala msinya kwabomma nabantwana kunye nokungabi nepilo ehle esiYingini seMzinyathi.

Isekela likaNgqongqotjhe uPhaahla wathi umnyango ulandela umyalelo kaMengameli uZuma wokusebenzela phezu komnqopho womTlamo wokuThuthukiswa kweliZwe Loke (i-NDP), othi ukuze iSewula Afrika ithuthuke, kufuze kuthuthukiswe iindawo zemakhaya ngokufananako namadrobha.

“Iminqopho yeTjhorensi yezamaPhilo yeNarha ayizukufikelelwa nasinqinisekisi kobana iinsetjenziswa zamaphilo ziyathuthukiswa begodu ngezizinga elihle,” kwatjho iSekela likaNgqongqotjhe uPhaahla.

Iinsetjenziswa zamaphilo ngesifundeni zitjhiyana ngokuthoma ngalezo ezisisekelo ukufikela eembhedlela zesifunda. Amaziko la awanikeli kwaphela itjhejo lezamaphilo, kodwana ubukhona bamakhiliji wokubandula abahlengikazi ngesifundeni lesi kutjho ukufukulwa kwehlelo lezamaphilo qobe nakunabahlengikazi abaqeda iimfundo zabo.

Ukwakhiwa komtholapilo weManxili

kumphumela wetjhebiswano lomNyango wezamaPhilo, i-Tobeka Madiba-Zuma Foundation nomphakathi.

Inani leengidi ezima-R20 lasetjenziswa ekwakhiweni komtholapilo weManxili. UmNyango wezamaPhilo ngokwawo wanikela ngeengidi ezili-R16 203 474. 41 ekwakhiweni komtholapilo neendawo zokuhlala kanti ifenitjhaba neensetjenziswa zephrojekthi le yoke zabiza isigidi esi-R1 624 219. 87. ITobeka Madiba-Zuma Foundation yanikela ngemali engaphezu kweengidi ezimbili.

Isekela likaNgqongqotjhe uPhaahla

AMAZIKO WEZAMAPHILO KWAZULU-NATAL

- Iimbhedlela zesifunda zima-72
- Amakhiliji wokubandula abahlengikazi ama-25
- Amaziko wezamaphilo womphakathi ali-18

wathembisa ngokuqinisekisa kobana umtholapilo uthobela amazinga aphakemeko wezamaphilo wenarha, okukuhlwengeka, ukulawulwa kokusulelana ngamalwele, ukurhunyeka imijeje emide, ukufumaneka kweenhlaha nokhanye okuqakathekileko, ukuphepha nokuvikeleka kwabasebenzi neengulani begodu nomoya wabasebenzi.

Elokhu umtholapilo weManxili wathoma ukusebenza sekusatjalaliswe amakhondomu wabembaji azii-72 000 kanti iingulani ezili-117 zifumene iinsetjenziswa zamaphilo zembeleko.

Umtholapilo weManxili unikela iinsetjenziswa zamaphilo njengokutjheja abomma abasidisi, ukuhlalutjwa kwekankere yesibeletho ne-TB, ukhululekwa i-HIV nokululekwa.

